



Հանրապետական մանկավարժահոգեբանական կենտրոն

«Հանրակրթական դպրոցների ուսուցիչների և ուսուցչի
օգնականների դասավանդման հմտությունների զարգացման
ապահովում» ծրագիր

ՀԵՏԱԶՈՏԱԿԱՆ ԱՇԽԱՏԱՆՔ

| | |
|------------------------|--|
| Դպրոց՝ | «ՀՀ Գեղարքունիքի մարզի Սևան քաղաքի N 4 հիմնական դպրոց» ՊՈԱԿ |
| Թեմա՝ | Գործնական աշխատանքի կազմակերպումը «Կերպարվեստ» առարկայի շրջանակներում |
| Վերապատրաստող, մենթոր՝ | Արմենուհի Մելքոնյան |
| Ուսուցիչ՝ | Գեղեցիկ Առաքելյան |

2023

Բովանդակություն

| | |
|---|----|
| Ներածություն..... | 1 |
| 1.Ինչ է գործնական աշխատանքը.նպատակն ու խնդիրները..... | 2 |
| 1.1 Գործնական աշխատանքների դասակարգումը..... | 4 |
| 1.2 Մոտիվացիայի դերը «Կերպարվեստի» գործնական աշխատանքներում..... | 5 |
| 2.«Կերպարվեստի» գործնական աշխատանքների կազմակերպումը բնության գրկում..... | 5 |
| 3.Գործնական աշխատանքի կազմակերպման օրինակ /թեմա `Նատյուրմորտ/..... | 7 |
| 4.Գործնական աշխատանքների օրինակներ..... | 10 |
| Եզրակացություններ և առաջարկություններ..... | 11 |
| Օգտագործված գրականության ցանկ..... | 12 |

Ներածություն

Կերպարվեստային գործունեությունը իրականության ճանաչման յուրահատուկ ձևերից է : Եվ ինչպես ցանկացած ճանաչողական գործունեություն , այն միտված է կերտելու տեղեկացված , ինքնուրույն , ստեղծագործող , ազատ և անկաշկանդ որոշումներ կայացնող անհատ :

Հետազոտական աշխատանքի արդիականությունը

Համաշխարհային արդի զարգացումներն իրենց անմիջական ներգործությունն են ունենում կրթական համակարգերի վրա ` առաջադրելով տարատեսակ խնդիրներ : Որակյալ մասնագետների պահանջարկն առաջնահերթ է դարձնում աշխատանքային շուկայի պահանջներին արագորեն հարմարվելու , տեղաշարժվելու կարողությունը : Այսպիսով , նմանատիպ մասնագետներից պահանջվում է տեսական գիտելիքների իմացություն , դրանք կիրառելու կարողություն և հմտություն , դիրքորոշում : Կարևորվում է այն , որ աշակերտը ուսումնական հաստատությունից դուրս գա այնպիսի գիտելիքներով , որոնք նա կկարողանա կիրառել գործնականում : Արդեն վաղուց առաջին տեղում չեն այն տեսական գիտելիքները , որոնք կիրառելի չեն գործնականում : Հատկանշական է , որ աշակերտը ,ստանալով տեսական գիտելիքներ , կատարի ճշգրիտ վերլուծություն , կայացնի ինքնուրույն ու ռացիոնալ որոշումներ և գտնի կիրառման արդյունավետ ուղիները :Վերոնշյալ հանքամանքներով էլ պայմանավորված է աշխատանքի արդիականությունը:

Հետազոտական աշխատանքի նպատակը

Մույն աշխատանքի նպատակն է զարգացնել գործնական աշխատանքի կազմակերպման որակը «Կերպարվեստ» առարկայի շրջանակներում :

Հետազոտության խնդիրները

Աշխատանքի նպատակին հասնելու համար աշխատանքում առաջադրվել են հետևյալ խնդիրները`

- Ներկայացնել գործնական աշխատանքի դերն ու նշանակությունը,
- Ուսումնասիրել գործնական աշխատանքի կազմակերպման արդյունավետ ձևերը,
- Ներկայացնել մոտիվացիայի կարևորությունը գործնական աշխատանքներում,
- Առաջարկել գործնական աշխատանքների կազմակերպման օրինակներ :

1. Ինչ է գործնական աշխատանքը. նպատակն ու խնդիրները

Ասա ինձ , և ես կմոռանամ ,
Ցույց տուր ինձ , և ես կհիշեմ ,
Ներգրավիր ինձ, և ես
կսովորեմ:

Չինական ասացվածք

Աշակերտների կողմից իրականացվող գործնական աշխատանքները ստեղծագործական աշխատանքների ձևերից են: **Գործնական** են համարվում սովորողների կողմից կատարվող այն աշխատանքները , որոնք վերաբերում են նրանց ձեռք բերած գիտելիքների , կարողությունների և հմտությունների գործնական կիրառություններին :Գործնական աշխատանքների ընթացքում պետք է իրականացվեն գիտելիքների որոնում,դրանց իմաստավորում,ամրապնդում,հմտությունների և կարողությունների ձևավորում և զարգացում , գիտելիքների ընդհանրացում և համակարգում: Գործնական աշխատանքներն ստեղծում են այնպիսի իրավիճակներ , որոնք սովորողներին մղում են ինքնուրույն դիտարկումներ և եզրահանգումներ անելու , վերլուծելու ,ոչ ստանդարտ իրավիճակներում կողմնորոշվելու ,համադրելու , լուծումներ գտնելու և այլնի:Գործնական աշխատանքները բազմազան են ` մոդելավորում , տեսանյութերի ստեղծում , բանավեճ , քննարկում , գունանկարի և գծանկարի կատարում , ծեփակերտում , դերախաղի իրականացում , ևն:«Կերպարվեստ» առարկայի գործնական մասն իրականացվում է կերպարվեստի հիմնական տեսակների ուսումնասիրմամբ / գծանկար ,գունանկար , քանդակ կամ ծեփակերտում ,դեկորատիվ աշխատանքներ :

Գործնական աշխատանքների հիմնական **նպատակներն ու խնդիրներն** են `

- ձևավորել և զարգացնել սոցիալական հմտությունություններ,
- մատուցել կիրառման համար անհրաժեշտ տեսական և գործնական նյութ,
- նպաստել անհատի ինքնադրսևորմանը, կենսագործունեությանը և կրթության շարունակության ապահովմանն ուղղված հմտությունների զարգացմանը:

1.1 Գործնական աշխատանքների դասակարգումը

Գործնական աշխատանքների դասակարգման հիմքում դրվում է սովորողի գործունեության ձևը , և ըստ դրա գործնական աշխատանքները բաժանվում են 3 հիմնական խմբի՝

- **վերարտադրողական** , որոնք հնարավորություն են տալիս ցուցադրելու ՝ ինչ է սովորել և ինչ է կարողանում անել սովորողը , /օրինակ ՝ պարզ առարկաների պատկերում , դրանց գունավորում, ևն /,
- **մասամբ որոնողական** , երբ սովորողը պետք է ոչ միայն ցույց տա ինչ է սովորել և ինչ է կարողանում, այլև կատարի լրացումներ , լուծի իրեն առաջադրված խնդիրը /օրինակ ՝ լույս ու սովերի ընդգծում , գուներանգների օգտագործում/,
- **ստեղծագործական** , երբ սովորողը ինքը պետք է ինքնուրույն կամ խմբի անդամների հետ լուծում գտնի առաջադրված խնդրի համար ՝ ցուցադրելով կարողունակությունների զարգացման որոշակի մակարդակ /օրինակ ՝ ամբողջական պատկերի ստացում, նկարին տարածականության հաղորդում/ :



1.2 Մոտիվացիայի դերը «Կերպարվեստի» գործնական աշխատանքներում

Ինչպես Սարյանն է ասում՝

«Զարմանքը հասարակ բան չէ: Զարմանալու ընդունակությունը բնության կողմից մարդուն տրված մեծագույն պարզներից է: Որքան այն պակասում է մարդու մոտ, այնքան աղքատ է նա իր հոգով, և այնքան ավելի է նրա մեջ քար անտարբերությունը: Իսկ անտարբերությունը բթացման առաջին և ամենահիմնական պայմանն է:»

Մարդկային վարքագծի գրեթե բոլոր ասպեկտներում մոտիվացիան շատ մեծ դերակատարություն ունի: Ցանկացած որոշում կայացնելիս մենք առաջնորդվում ենք մոտիվացիոն ներքին մղումներով: Գործնական աշխատանքում երեխան պետք է դառնա ուսումնական գործընթացի ակտիվ մասնակիցը: Հետևաբար, ուսուցիչը պետք է երեխայի մեջ արթնացնի դրական հույզեր, նկարչական գործունեության նկատմամբ ցուցաբերվող ուրախություն և բերկրանք, վստահություն սեփական կարողությունների նկատմամբ, մտահղացման և գեղարվեստական գործունեության ինքնուրույնություն: Երեխային մոտիվացնելու համար գոյություն ունեն մի քանի մարտավարության ձևեր/դիտարկումներ, ջերմացնող վարժություններ, հետաքրքիր և հարմարավետ միջավայրի ապահովում, նյութերի և նկարչական հնարների բազմազանություն, բնության մեջ աշխատելը, և այլն/: Մենք գնում ենք բնություն՝ ոգեշնչվելու...

2. «Կերպարվեստի» գործնական աշխատանքների կազմակերպումը բնության գրկում

«Մենք գնում ենք դեպի բնություն՝ ինքներս մեզ գտնելու համար»

Ջոն Մյուիր

Ոգեշնչմանը սպասելու փոխարեն, ավելի արդյունավետ է ոգեշնչում փնտրելը: Ինչպես արդեն նշվեց բնությունը ոգեշնչման լավագույն աղբյուրներից մեկն է: Դասասենյակից դուրս գտնվող «դասարանը» կարող է լինել ամենաարժեքավոր, ամենաթանկ միջոցը, որը, սակայն շատ քիչ է օգտագործվում: Անընդհատ դասասենյակում մնալը կարող է խեղդել երեխայի երևակայությունն ու ստեղծագործական ունակությունները: Բնության գրկում գործնական աշխատանքների կազմակերպումը հիանալի միջոց է ուսումնասիրելու այդ կախարդական

աշխարհը ,զգալու այն,սովորելու բնությունից,ինքնուրույն դատողություններ անելու,տպավորությունները թղթին հանձնելու, և ինչու չէ,նաև զարմանալու:

Երեխան իր աչքերով է տեսնում տարածության մեջ շրջապատող առարկաների օրինաչափությունները,դրանց ընդհանուր տեսքը հեռավորության մեջ, և պատկերման առանձնահատկություններն ուսումնասիրվում են հեռանկարչության մեջ:Երբ երեխաները նկարում են բույսեր,կենդանիներ ` արտատպելով գրքերից,նկարներից,որոնք դասարանից դուրս գոյություն ունեն իրենց բնական վիճակում,ապա նրանք զրկվում են բնօրինակի հետ աշխատելու մեծ հնարավորությունից:Երեխան բացահայտում է բնությունը,տեսնելով արևի լույսը , առարկաներից ընկնող սովերները, շարժվող ամպերը, զգում է քամու շունչը:

Բնությունից ստացված տպավորությունները,երեխան կարող է **կիրառել** այլ նկարներում:Օրինակ՝բնության մեջ ուսումնասիրելով տերևը,ճյուղը,ծաղիկը,և այլն ,նրանք կարող են դրանք ավելի հմտորեն պատկերել նատյուրմորտի մեջ,այլ բնանկարներում,դեկորատիվ աշխատանքներում:



Գործնական աշխատանքի ընթացք

3. Գործնական աշխատանքի կազմակերպման օրինակ /թեմա՝ Նատյուրմորտ/

Ստորև ներկայացնում եմ «Կերպարվեստի» գործնական աշխատանքի օրինակ

Դասարան՝ 4

Դասի թեման՝ Նատյուրմորտ

Դասի տեսակը՝ գործնական

Դասի նպատակը՝ նպաստել նկարչական հմտությունների և կարողությունների զարգացմանը բնօրինակից նատյուրմորտի պատկերման գործընթացում:

Վերջնարդյունքներ՝ ստանալ նատյուրմորտ լույս ու ստվերի ընդգծումով, գույների և գուններանգների օգտագործմամբ և առարկաների կառուցման կանոնների պահպանմամբ:

Դասի կահավորումը՝ նատյուրմորտի ժանրով կատարված աշխատանքներ, նատյուրմորտի համար նախատեսված առարկաներ, նկարչական նյութեր և պիտույքներ:

Դասի ընթացքը՝

1. Նախապատրաստական մաս

- աշխատատեղերի կազմակերպում,
- թեմատիկ միջավայրի ապահովում,
- նատյուրմորտի տեղադրում դասասենյակի տեսանելի մասում,
- հարց-պատասխանի միջոցով վերհանել աշակերտների գիտելիքները նատյուրմորտի մասին.

Հարցեր՝

- Ի՞նչ է նատյուրմորտը,
- Ի՞նչ է նշանակում «նատյուրմորտ» բառը :

2. Թեմայի հաղորդում

- **Խթանման փուլ**-ցուցադրվում է նատյուրմորտը, բացատրվում է կազմությունը, կատարվում է նատյուրմորտ կազմող առարկաների երկրաչափական ձևի վերլուծություն: Խոսվում է գույների և գուններանգների մասին, որոշվում է լույսի և ստվերի ուղղությունը, ցուցադրվում է աշխատանքի կատարման քայլաշարը: Կախված առարկաների ձևից՝ ընտրվում է թղթի համապատասխան դրվածք:



- **Իմաստի ընկալում**-սահմանվում է ժամանակ և տրվում է գործնական աշխատանքի մեկնարկը:Աշխատանքի ընթացքում շրջել,տալ անհրաժեշտ ցուցումներ ` շխանգարելով սովորողի ինքնուրույն գործունեությանը:
 - **Կշռադատման փուլ**-կատարվում է հետադարձ կապ,երեխաները հիշում են բնության գրկում իրենց կատարած էտյուդները,ճեպանկարները և կապ են հաստատում «նատյուրմորտ» բառի իմաստի հետ/«նատյուրմորտ» թագմանաբար նշանակում է անկենդան բնություն/:Սովորողները անում են հետևություններ:Այս ծաղիկները մայր բնությունից պոկված մասնիկներ են,որ այսօր մենք պատկերեցինք:
3. Կատարվում է աշխատանքների ընդհանուր ցուցադրում,վերլուծում և ինքնագնահատում ըստ քայլերի ճիշտ պահպանման,որի արդյունքում սովորողը գիտակցում է իր ձեռքբերումներն ու բացթողումները:Վերջնարդյունքների տեսլականը դառնում է իրատեսական:

Վերջնարդյունքներ



4. Գործնական աշխատանքների օրինակներ



Եզրակացություններ և առաջարկություններ

Հետազոտական աշխատանքի արդյունքում հանգել եմ այն համոզմանը, որ գործնական աշխատանքները տեսական գիտելիքները դեպի կիրառում տանող ճանապարհի ուղեկիցներն են և միտված եմ իմ դասերին դրանց կազմակերպման արդյունավետության բարձրացմանը և նորարարական ուղիներ փնտրելուն, կիրառելուն:

Կարևորում եմ գործնական աշխատանքների կազմակերպման այն ձևերը ,որոնց հիմքում ընկած է սովորողի գիտելիքի նպատակային կիրառման գիտակցումը: Սովորողն իր գործունեության ընթացքում ձևավորում է արդյունքի տեսլական և կարողությունների, հմտությունների կատարելագործման շնորհիվ այն փորձում է դարձնել իրատեսական:

Նպատակային եմ համարում «Կերպարվեստի» դասերն առավել հետաքրքիր դարձնելու համար հաճախակի կատարել միջավայրի փոփոխություն: Իսկ այդ միջավայրը բնությունն է, որն իմ կարծիքով սովորեցնում է սովորել: Բնությունը մոտիվացնում է, փնտրելու և ուսումնասիրելու ուղիներ է առաջադրում, օգնում է ինքնաբացահայտմանը: Բնությունը երեխային տալիս է անսահման ազատություն, որն է մղում է ճիշտ կողմնորոշման :

Առաջարկում եմ կերպարվեստային գործունեության մեջ աշակերտների համար ապահովել ազատ աշխատելու ,ստեղծագործելու հնարավորություններ:

Օգտագործված գրականության ցանկ և հղումներ

- 1.«Կերպարվեստ» առարկայի չափորոշիչ և ծրագիր:Լրամշակված տարբերակ,ԿԱԻ ,2011
- 2.Մ. Պետրոսյան-«Կերպարվեստ» ուսուցչի ձեռնարկ,1-4րդ դասարաններ,2014
3. Մ. Սարյան-«Արվեստի մասին»
- 4.Б .Барбер -«Учимся рисовать за 6 недель»,2022
- 5.Walter Foster-“Drawing basics”,2022
- 6.Н.Я. Маслов-Пленэр.-М.,1984
7. <https://www.format.com/>
8. <https://howtoartist.com/>
9. <https://www.darkyellowdot.com/>